

Հաստատված է

Երևանի պետական համալսարանի Իջևանի մասնաճյուղի
գիտական խորհրդի 2017թ. հունվարի 27-ի թիվ 21 նիստում

ԵՊՀ ԻՄ գիտական խորհրդի նախագահ _____ Ս. Ա. Առաքելյան

ԿԱՆՈՆԱԿԱՐԳ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԻՋԵՎԱՆԻ ՄԱՍՆԱՃՅՈՒՂԻ
ԲԱԿԱԼԱՎՐԻԱՏԻ ՇՐՋԱՆԱՎԱՐՏՆԵՐԻՆ ՄԱՆԿԱՎԱՐԺԻ ՈՐԱԿԱՎՈՐՈՒՄ
ՇՆՈՐՀԵԼՈՒ

1. ԸՆԴՀԱՆՈՒՐ ԴՐՈՒՅԹՆԵՐ

1.1. Սույն կանոնակարգով սահմանվում է Երևանի պետական համալսարանի Իջևանի մասնաճյուղի (այսուհետ՝ ԵՊՀ ԻՄ) բակալավրիատի շրջանավարտներին մանկավարժի որակավորում շնորհելու կարգը:

1.2. Սույն կանոնակարգը մշակվել է Հայաստանի Հանրապետության օրենսդրությանը, «Երևանի պետական համալսարան» հիմնադրամի և «Երևանի պետական համալսարան» հիմնադրամի Իջևանի մասնաճյուղի կանոնադրություններին համապատասխան:

1.3. Բակալավրիատի շրջանավարտներին մանկավարժի որակավորման շնորհումը իրականացվում է Հայաստանի Հանրապետության կրթության և գիտության նախարարի 2015թ. հուլիսի 3-ի թիվ 647-Ա/Բ հրամանով հաստատված Հայաստանի Հանրապետության բարձրագույն մասնագիտական կրթության մասնագիտությունների կրթական ծրագրերի համաձայն, իսկ ուսուցումը կազմակերպվում է «Կրեդիտային համակարգով ուսումնական գործընթացի կազմակերպման օրինակելի կարգի»-ի պահանջներին համապատասխան:

1.4. Մանկավարժի որակավորում ստանալու համար կազմակերպվող դասընթացներին ուսանողները մասնակցում են կամավորության սկզբունքով՝ ՀՀ ԿԳ նախարարության հետ համաձայնեցված մասնագիտությունների ցանկի հիման վրա:

1.5. Բակալավրիատի շրջանավարտներին մանկավարժի որակավորում շնորհելու համար ԵՊՀ ԻՄ-ում կիրարկվում է «240 կրեդիտ+30 կրեդիտ» համակարգը, համաձայն որի մանկավարժի որակավորում ստացող ուսանողների համար նախատեսվում է 30 կրեդիտ ծավալով մանկավարժական լրացուցիչ կրթաբլոկ:

2. ՄԱՆԿԱՎԱՐԺԱԿԱՆ ԿՐԹԱԲԼՈՎԻ ԿԱՌՈՒՑՎԱԾՔԸ ԵՎ ԿԱԶՄԱԿԵՐՊՈՒՄԸ, ԾՐԱԳՐԻ ՎԵՐՋՆԱԴՅՈՒՆՔԸ

2.1. Մանկավարժական կրթաբլոկը ներառում է 6 մոդուլ՝ 4 բաղադրիչով .

- ա) կրթական (4 դասընթաց),
- բ) հետազոտական (կուրսային աշխատանք),
- գ) մանկավարժական պրակտիկա,
- դ) ամփոփիչ ավարտական քննություն:

2.2. Մանկավարժի որակավորում ստանալու համար ուսանողները բակալավրիատի 1-ին կուրսի 2-րդ կիսամյակում պետք է գրանցվեն մանկավարժական կրթաբլոկի ծրագրում՝ դիմում ներկայացնելով ֆակուլտետի դեկանատ մինչև տվյալ ուսումնական տարվա ապրիլի 1-ը: Դիմում ներկայացրած ուսանողների հետ մեկ ամսվա ընթացքում կնքվում է պայմանագիր:

2.3. Մանկավարժական կրթաբլոկով ծրագրի ուսումնառությունը կազմակերպվում է 3-8-րդ կիսամյակներում (կրեդիտների քանակը՝ 30):

2.4. Մանկավարժական կրթաբլոկի դասընթացները կազմակերպվում են վճարովի հիմունքներով: Վճարումը կատարվում է յուրաքանչյուր կիսամյակ՝ տվյալ կիսամյակի կրեդիտների քանակին համապատասխան: Մեկ կրեդիտի արժեքը (ինքնարժեքի սկզբունքով) սահմանվում է ամեն ուսումնական տարվա համար տնօրենի հրամանով:

2.5. Մանկավարժական կրթաբլոկի մոդուլից անբավարար գնահատական ստանալը չի սահմանափակում հիմնական մասնագիտության շրջանակում փոխատեղման մրցույթին մասնակցելու կամ ուսման վարձավճարի մասնակի փոխհատուցում ստանալու ուսանողի իրավունքը:

2.6. Մանկավարժական կրթաբլոկի «Մանկավարժություն» առարկայի ամփոփիչ քննությունը չհանձնելու դեպքում ուսանողը ստանում է հիմնական մասնագիտության գծով դիպլոմ՝ առանց մանկավարժի որակավորման:

2.7. Երևանի պետական համալսարանի բակալավրիատի կրթական ծրագրի «240 կրեդիտ + 30 կրեդիտ» մանկավարժական դասընթացների կրթաբլոկով ուսումնառության ավարտին շնորհվում է երկու որակավորում՝ բակալավրի աստիճան՝ հիմնական մասնագիտության գծով և մանկավարժի որակավորում:

3. ՄԱՆԿԱՎԱՐԺԱԿԱՆ ԿՐԹԱԲԼՈԿԻ ԴԱՍԱԽՈՍԱԿԱՆ ՀԱՄԱԿԱԶՄԻՆ ԱՌԱՋԱԴՐՎՈՂ ՊԱՀԱՆՋՆԵՐԸ

3.1. Մանկավարժական կրթաբլոկի տեսական դասընթացներն անցկացնողների 50 տոկոսը պետք է ունենա պրոֆեսորի և դոցենտի գիտական կոչում, իսկ գործնական դասընթացները վարող մասնագետների գիտահետազոտական հետաքրքրությունների շրջանակը պետք է համապատասխանի դասավանդվող դասընթացներին:

3.2. Մանկավարժական կրթաբլոկի դասախոսական կազմը պարտավոր է պարբերաբար անցնել որակավորման բարձրացման դասընթացներ՝ ԵՊՀ ԻՄ-ի գիտական խորհրդի կողմից հաստատված՝ ԵՊՀ ԻՄ պրոֆեսորադասախոսական կազմի որակավորման բարձրացման ծրագրի կազմակերպման կանոնակարգին համապատասխան:

4.ԱՅԼ ԴՐՈՒՅԹՆԵՐ

4.1. Մանկավարժական կրթաբլոկով ծրագրի արդյունավետ կազմակերպման համակարգումը վերապահվում է ԵՊՀ ԻՄ-ի ուսումնամեթոդական վարչությանը և ֆակուլտետներին:

4.2. Մանկավարժի որակավորում շնորհելու համար սահմանված «240 կրեդիտ + 30 կրեդիտ» համակարգը գործողության մեջ է դրվում 2017-2018 ուսումնական տարվանից, բացառությամբ 2.2.-րդ կետի, որը գործողության մեջ է դրվում 2016-2017 ուսումնական տարվանից:

**ԲԱԿԱԼԱՎՐԻԱՏՈՒՄ ՄԱՆԿԱՎԱՐԺԱԿԱՆ ԿՐԹԱԲԼՈԿԻ
ԾՐԱԳՐԻ ԿԱՌՈՒՑՎԱԾՔԸ**

Մանկավարժական կրթաբլոկում ներառված է 6 մոդուլ

Մոդուլ 1.- Հոգեբանություն – 3 կրեդիտ

ԴԱՍԸՆԹԱՑԻ ԱՆՎԱՆՈՒՄԸ	ԿՐԵԴԻՏՆԵՐ	ԿԻՍԱՄՅԱԿ	Քննություն ստուգարք
1.1 Ընդհանուր հոգեբանություն	3 կրեդիտ	III	առանց եզրափակիչ գնահատման

Մոդուլ 2.- Մանկավարժություն – 5 կրեդիտ

ԴԱՍԸՆԹԱՑԻ ԱՆՎԱՆՈՒՄԸ	ԿՐԵԴԻՏՆԵՐ	ԿԻՍԱՄՅԱԿ	Քննություն ստուգարք
2.1 Ընդհանուր մանկավարժություն	3 կրեդիտ	IV	Եզրափակիչ գնահատմամբ
2.2 Ժամանակակից կրթական տեխնոլոգիաներ	2 կրեդիտ	VII	առանց եզրափակիչ գնահատման

Մոդուլ 3.- Մեթոդիկա – 4 կրեդիտ

ԴԱՍԸՆԹԱՑԻ ԱՆՎԱՆՈՒՄԸ	ԿՐԵԴԻՏՆԵՐ	ԿԻՍԱՄՅԱԿ	Քննություն ստուգարք
3.1 Դասավանդման մեթոդիկա	4 կրեդիտ	V	Եզրափակիչ գնահատմամբ

Մոդուլ 4.- Կուրսային աշխատանք – 2 կրեդիտ

ԿՈՒՐՍԱՅԻՆ ԱՇԽԱՏԱՆՔ	ԿՐԵԴԻՏՆԵՐ	ԿԻՍԱՄՅԱԿ	Քննություն ստուգարք
Մանկավարժությունից/ դասավանդման մեթոդիկայից	2 կրեդիտ	VI	ստուգարք

Մոդուլ 5.- Մանկավարժական պրակտիկա – 8 կրեդիտ

ՄԱՆԿԱՎԱՐԺԱԿԱՆ ՊՐԱԿՏԻԿԱ	ԿՐԵԴԻՏՆԵՐ	ԿԻՍԱՄՅԱԿ	Քննություն ստուգարք
Մանկավարժական պրակտիկա	4 կրեդիտ	VI /4 շաբաթ/	ստուգարք
Մանկավարժական պրակտիկա	4 կրեդիտ	VII /4 շաբաթ/	

Մոդուլ 6.

ԱՍՓՈՓԻՉ ԱՎԱՐՏԱԿԱՆ ՔՆՆՈՒԹՅՈՒՆ	ԿՐԵԴԻՏՆԵՐ	ԿԻՍԱՄՅԱԿ
Ամփոփիչ ավարտական քննություն	8 կրեդիտ	VIII